

Neque hoc concludendi modo quicquam confici existimo: Omnes realitates absolutae in ente perfectissimo insunt: plura igitur entia perfectissima repugnant. Nam haec concludendi ratio ad absurdum ducit. DOELLNERVS alio argumento Dei unitatem euincere conatur, cuius vis his ferme continetur: Deo summa possibilis etiam extera competit: sed haec vni tantum propria esse potest; Deus igitur unus est. Hanc concludendi rationem confutatam leges in Bibl. Phil. RIEDELII Part. I. Conferre hic iuuat Dissertationem KANTII, quae inscribitur: *Der einzige mögliche Beweisgrund zur Demonstration des Daseyns Gottes.*

CAPVT III. COSMOLOGIA.

§. LXXXII.

Cosmologie notio, et scopus. **Q**ui se ad studium Physices conferunt, non tam omnem rerum vniuersitatem considerant, quam, quae sint singularum rerum vires, exquirunt. Quia vero in Psychologia, et Theologia naturali multae incident quæstiones, quae explicare perspicue et exponi non possunt, nisi ante constituatur, quid, et quale sit hoc vniuersum; inde factum est, ut Philosophi recentiores peculiarem quandam efficerent disciplinam, quae de hoc vniuerso, rebusque creatis generatim exponat. Cosmologiam placuit dicere, eamque metaphysicam, quia non solum in contemplatione huius, quem incolimus, mundi subsistit; sed vniuersalem mundi cuiusque

que possibilis notionem exquirit. Ad hanc notionem transcendentalem eluctati Metaphysici tamquam ex specula hunc mundum nostrum subiectum prospiciunt, quid in eo necessario factum sit, quid fieri potuerit aliter, decernentes. Tum demum ad nostrum regressi, quae in eo eueniant quibusque legibus ordo vniuersi contineatur, disquirunt. Nimis adroganter facere cuiquam videantur, qui, quum non nisi minimam vniuersi partem intueantur, de vniuerso constituere praesumunt. Sed, quemadmodum speculationem suam exequantur, videamus.

§. LXXXIII.

Quem κόσμον Graeci nomine ornamenti appellauere, eum latini a perfecta absolutaque elegantia mundum dicunt. Verum huic nomini variae ac multiplices notiones subiectae sunt, quas omnes ad quatuor genera reuocare licet: ac prima quidem *Biblica* est, cum mundi nomen sumitur pro genere humano, aut pro parte generis humani corrupta: altera est *vulgaris*, et notat orbem nostrum terrarum, aut quamuis hominum multitudinem: tertia est *poetica*, et denotat systema quoddam planetarum, aut promiscue omnia corpora coelestia, stricte sic dicta, quo sensu id *FONTAINELLIVS* in tractatu de pluralitate mundorum accépit. In sensu denique philosophico mundus est omnis omnium praeter Deum rerum in complexu consideratarum vniuersitas, ēv τη τα πάντα *ORPHEI*, vnum, quod complectitur omnia. Ex hac mundi huius notione ea, quam *transcendentalem* dicimus, efficitur; in qua constituenda haec duo cauenda sunt: primo ne quae determinaciones necessariae

Mundi definitio.

riæ praetermittantur; deinde, ne plures quam opus est, ponantur: illud enim eamdem latiorum, hoc angustiorem redderet, quod utrumque vitiosum esse, Logici docent. Sed quae sunt illæ determinationes, sine quibus concipi mundus nullus potest? Ego quidem existim, ad quemque mundum pertinere, ut sit *totum* aliquod a) *reale*, quod partibus extra se positis constet, b) *absolutum*, quod ad aliud totum cœu pars referri nequeat, c) *finitum*, quod non nisi partes finitas complectatur. Quare mundus definiri potest, quod sit rerum finitarum inter se connexarum totum absolutum, aut sistema entium finitorum, quod ad aliud cœu pars non pertineat.

§. LXXXIV.

Dictæ definitionis
consecuta-
ria.

Iam quid ex hac notione colligi possit, pro more nostro videamus. Quoniam mundus quisque ex substantiis finitis constat, harum autem vires mutationum successioni subiectæ sunt; efficitur, non solum ipsas substantias, sed eas etiam, quae iisdem accident, mutationes ad mundum referendas esse. Porro leges naturæ dicunt formulas, quibus enuntiatur declaraturque modus, quo substantiae finitæ agunt. Atque eiusmodi legibus subiectas esse omnium substantiarum vires, dubium esse nequit, cum quotidiana quemque experientia docere possit, non solum corpora, sed etiam animas constanti et æquabili modo agere, eamdemque semper rationem sequi. Quae quidem leges, perinde ac ipsæ substantiae mundi nomine comprehenduntur. Quia partium vere existentium numerus infinitus repugnat; consequens est, nullum mundum esse posse infinite extensem. Quum denique substantiae finitæ naturæ suæ necesse sitate

sitate non existant, ac prōinde fortuitae sint; facile intelligitur, mundum a caussā necessaria effectum esse. Ex quo porro efficitur, mundum, quod ad materiam et elementa attinet, ex nihilo procreatūm esse.

§. LXXXV.

Sed varius ac multiplex nexus est, quo partes vniuersi iunctae inter se copulataeque certuntur. Corpora coelestia mutuo attractu sece furentant, suosque inuicem motus definiunt. Corpora terrestria diversis modis in homines agunt, et vicissim ab iis aguntur. Neque ipsi homines integris etiam regionibus ac maribus ita separantur, vt non aut litterarum, aut rerum commercio coniungantur. Nexus hunc cosmologicum elegantibus versibus complexus est POPPIVS, Poeta philosophus. Aliquam huius descriptionis partem hoc transcribere iuvat.

- „ *Hic nihil est exul: nihil est a mole resectum.*
- „ *Omnes ad totum referuntur in ordine partes.*
- „ *Spiritus intus agens, sapiente per omnia sensu*
- „ *Ac virtute means, rerum moderator, et*
alior,
- „ *Res quascumque manu gestans quasi vincula*
secum
- „ *Coniungit, copulat, sociat, ligat, implicat,*
unit,
- „ *Maxima cum minimis cum summis glutinat*
ima.
- „ *Est homini brutum nunc utile, nunc homo*
brutis
- „ *Inseruit. Quicquid seruit, seruitur id ipsum*
- „ *Nil extat solum: rerum infinita catena*
- „ *Cotinuat seriem. Ep. III.*

Ex

Ex hoc nexus Wolfiani varia deducunt, quae non omnibus probantur. Hoc autem modo concludunt: si res omnes, quae sunt, aut fiunt; inter se aptae, atque connexae sunt; ergo cuiusque corporis motus, aut mutatio ad alia quaeque corpora huius vniuersi pertinet; ergo variato, aut sublato quoque eventu, totum mundum aut variari aut tolli necesse est; ergo omnia, quae ex aliis consequuntur, necessitate quadam hypothetica fiunt; ergo quidquid fieri potest, aut iam est factum, aut certe futurum est; ergo mundus est machina. Verum in hac concludendi ratione, sunt alii, qui multa reprehendant. Ac primo quidem negant, ad quamque vnius substantiae cum alia connexionem requiri, ut vnaquaeque huius substantiae mutatio ad singulas totius partes pertineat. Deinde hic influxus vniuerscuiusquae substantiae per vniuersum pertinens, inquietunt, tantum abest, ut experientia confirmetur, ut potius contrarium ex ea suspicari liceat; quandoquidem cuiusque mutationis effectum cum distantia decrescere, et demum euanscere videamus. Denique si singulas partes e singulis aliis ita aptas esse dicamus, efficietur, nullas esse rerum essentias absolutas, quod perspicue falsum esse, et vehementer repugnare putant. Huc accedit, quod maximi momenti est, sumto hoc nexus Wolfiano, causarum rationalium libertatem penitus eueriti.

§. LXXXVI.

Fatum. Vetus est, quam modo diximus, difficultas, vti ex iis, quae CICERO de fato scripsit, constat. Alii, ne quid fieri posse sine causa concederent, fati necessitatem, alii contra, nem-

mentes humanas fati necessitatibus deuinctas darent, casum, et fortunam introduxerunt: fatum autem et fortunam Philosophi antiqui ita distinguunt, ut illud certam, et ineluctabilem causarum seriem, hanc mutabilem, et inconstarem dicant. Fati autem, ut ab hoc exordiar, non unum genus est. Quae sunt fata antiquorum scriptis magis celebrata, paucis indicamus. Primum est fatum DEMOCRITVM, seu necessaria ac bruta series effectuum, et omnium causarum ab aeterno non a Deo, sed ex necessitate naturae materiae ipsius numquam interrupta fluens. Quod idem fatum generatim tenuit EPICVRVS, aut certe LVCRETIVS; et si videri velint, atomorum declinatione casum induxisse, qua de re deinceps. Alterum est Stoicum fatum, seu series rerum necessaria et ineluctabilis a voluntate Dei oriunda, quod ΠΕΡΙΦΑΣΙΑ seu prouidentiam vocant: quum enim statuerent omnia peruidentem, et animaduententem Deum; censebant ex immutabili eius voluntate euenta omnia necessario promanare. Vid. Cic. de N. D. L. I. C. I. Fatum astrologicum, de quo idem CICERO agit Lib. I. de Divinat. C. I. est omnium euentuum necessitas ab immutabili astrorum actione promanans. Fatum Mahomedanum est absoluta et immutabilis rerum omnium praedestinatio, ac praordinatio, in Deo quidem libera, in rerum vero serie necessaria. Fatum denique Spinozisticum situm est in serie aeterna, et necessaria, quae ex natura Dei ab aeterno et necessario emanatione essentiali fluit. SPINOZA enim docet, unam esse substantiam, eamque aeternam et ex infinita cogitatione et extensione conflatam, quam Deum vocat, alias vero res esse modificationes attributorum Dei,

id

id est, cogitationis et extensionis easque fieri ex necessitate naturae Diuinæ. Sed nullum horum satorum genus sustineri potest. Ac primo quidem hoc commune habent, quod libertatem animi humani prorsus submoueant, quam tamen et conscientia nobis attestatur, aliaque argumenta confirmant. Deinde in quoque eorum genere varia insunt, quae reprehendi facile possunt. Democritum quidem subnixum est commentitiis atomis, quarum doctrinam vehementer claudicare passim ostendit **TULLIUS** maxime Lib. II. de nat. Deor. Cap. 37. Stoicum ex prouidentia Dei fati necessitatem induxit, quasi, quae futura sunt, idcirco futura sint, quia Deus ea futura praenoverit et prouiderit. Fatum Astrologicum idem **TULLIUS** multis passim argumentis confutauit, nominatim Lib. II. de Diuinat. Cap. 45. Et sane cum eorum, quae in terra fiunt, quaeque hominibus accidunt, rationem deprehendimus sufficientem in caussis aliis antecedentibus, in tellure occurrentibus, non est, cur ad coelum et astrorum efficacitatem configiamus. Fatum denique Spinocisticum confutatione vix eget: adeo fatuum est; aut quis ferat vnicam in hoc vniuerso substantiam, eamque extensam et tamen igituiduam? Fatum Stoicum, aut si mauis Turcicum, nuper resuscitauit, nescio quis de **LOCH**, quem confutare alias quidam de **FREY** conatus est. Qua ratione homines ad hanc de fati necessitate opinionem delapsi fuerint, Psychologo nequit obscurum esse. Ea est enim animi humani natura, vt se penitus excutere nolit: neque etiam, si vel maxime velit, tacita illa, quibus mouetur, incitamenta semper pernoscit. Quo sit, vt se vi aliena et extrinsecus

secus agente ad ea, quae ipse et consulto et liberrime voluit, impulsu[m] esse, sibi persuadet. Quam persuasionem eo libentius induit, quod erroribus suis justam excusationem praetexere hoc modo possit: aut quis non malit vim astrorum et fati necessitatem incusare, quam se seculerum suorum auctorem confiteri? Huc accedit speculandi, cauillandique libido, quae, vbi modum excessit, susque deque omnia vertit.

§. LXXXVII.

Quemadmodum doctrina de fato omnes, qui Casus.
in mundo accidentunt, eventus quasi concatenat; ita alius error omnem rerum nexus tollit, vniuersalemque anomaliam inducit: Casum intelligo, cuius maxime EPICVRAEI incusantur. Est autem casus, cum res fiunt nulla praescientia, nulla praevidentia, nulloque ordine atque fine neque ex certis atque statis caussis. Non solum igitur a casu excludenda est omnis prouidentia, sed omnis quoque rerum, quae fiunt, finis, tum omnis denique caussarum certitudo. Nam si prouidentiae tantum defectus adsit, neque certus ordo caussarum tollatur, fatum potius erit, quam casus. Quae quum ita sint, qui purum casum in EPICVRI Philosophia sibi inuenisse videntur, imprimis CICERO nisi fortassis atomorum declinationem intellexerint, quae ita inuecta videtur, vt, vnde nascatur, intelligi nequeat, longe sunt ii hallucinati. Sustulit quidem EPICVRVS prouidentiam, at non ordinem, et seriem caussarum, quae certis naturae foederibus, vt vocat LVCRETIVS, ad mundos conficiendos aut dissoluendos conuenirent. Itaque natura illa

illa creatrix et daedala rerum lucretiana, si acris iudicio perpendatur, a fato DEMOCRITI nihil differt. Qui igitur ex antiquis purum casum docuerit, quod sciam, nullus fuit. Si vero casus contingere dicas ea, quorum caussae latent, non solum antiqui sed recentiores quoque casum admittunt. Huc pertinet illud CICERO NIS in Topicis Cap. 17. de caussis; „Latent, inquit, quae subiecta sunt fortunae. „Quum enim nihil sine caussa fiat, hoc ipsum „est fortunae euentus, quod latenter efficiatur. “ ARISTOTELES iam ante TULLIVM serio videtur contendisse, fortunam et casum caussas physicas esse; quae ita distinguit, ut dicat τυχην versari circa actiones naturalium προαιρεσαι, facultate eligendi praeditarum; το αυτοματον vero circa ea, quae sunt facultate illa destituta. Si igitur fortuitam atomorum Epicuraearum declinationem excipiatis, casus purus in antiquitate praesidium non habet: quod vero hanc ipsam fortuitam declinationem attinet, LVCRETIVS eam ex libertate mentis humanae probari putavit. Qua quidem in re patronum nactus est PRAEMONTE WALLEIVM Philosophum alioquin acutissimum, qui hoc fere modo concludit; quae cumque animus libere voluit, eadem sub adjunctis perfecte iisdem potuit non velle. --- Concedo, si omnes circumstantiae fuerint eiusmodi, ut nullam, hoc aut illud decretum capiendi necessitatem attulerint, si plena contingentia aut possibilitas formalis etiam ac subiectiva locum habuit. --- Sed si mens humana a Deo in iisdem plane circumstantiis constituitur, diuersis vicibus diuersa volet, quin ultior ratio adsignari queat, cur nunc hoc, nunc aliud

aliud voluerit. Libertas igitur sine casu consistere nequit. Verum quod PRAEMONTEWALLIVS sumit, ei concederit nemo, nisi simul ostendat, eam, quae in iisdem adiunctis habetur, consecutionis aequabilitatem aut supponere, aut inferre necessitatem.

§. LXXXVIII.

Quamvis omnia, quae in mundo fiunt, ex Natura, antegressis caussis fiant, eorum tamen in mundo causae non semper continentur. Vnde duo eventuum genera distinguunt, vnum naturalium, alterum supernaturalium. Sed quemadmodum naturae nomen varie accipitur; ita hisce quoque nominibus non eadem semper vis ac potestas tribuitur: natura quidem generatione est principium actionum, et passionum entis internum. Natura igitur vniuersa est principium mutationum, quae in mundo fiunt, eidem internum, seu collectio virium, quae in omnibus entibus mundum constituenibus simul suntis insunt. Quare euentus, cuius ratio continetur in re ad vniuersam naturam pertinente, *naturalis*; cuius autem ratio in re ad eam pertinente minime continetur, *supernaturalis* dicitur. Quidquid ergo ex vi, et structura corporum, aut ex vi creatorum spirituum intelligi potest, idem habendum est in naturalibus: quidquid vero ex his intelligi nequit, supernaturale putandum est. Neque tamen supernaturale promiscue usurpari pro eo debet, quod est aut praeter, aut contra naturam. Quod enim fieri *praeter* naturam vulgo dicimus, id re ipsa fit secundum leges vniuersae naturae, habetque caussam in hac rerum vniuersitate sufficientem, tametsi huius, aut illius

singnlaris corporis naturae aduersetur. *Contra* naturam autem fieri quicquam dicitur, cum rerum ordini, naturaeque universae vis inferatur, ita, vt plane contrarium eueniat, atque euenire spectata vniuersa natura debuisse. Euentus supernaturalis *miraculum* dicitur. Insolentia igitur euentus et hominum admiratio ad internam miraculi naturam nihil omnino pertinet. Duo autem miraculorum genera distinguunt: primi generis sunt eiusmodi effectus, qui omnes naturae vires absolute exsuperant. Secundi generis sunt, si euentus alias naturalis ita efficitur, vt eius ratio sufficiens in re ad uniuersam naturam pertinente non contineatur; illa miracula *majora* seu *quod substantiam*, haec *minora*, seu, *quoad modum* adpellant. Vtrumque genus fieri posse, si naturae auctorem ab hoc vniuerso diuersum admittas, facile ostenditur. Nam leges motus, secundum quas in mundo natura mutationes efficit, fortuitae sunt, non absolute necessariae. Quod enim corpus nisi a caussa externa non mutatur, quod actioni contraria, et aequalis est reactio, et cetera, quae ex his pendent; id quidem ex corporum essentia nequaquam fluit, poterantque aliae a Deo leges statui, tametsi hae sapientissime sint constitutae. Si ergo adsit causa vi sufficiente instructa, quin effici quaedam in vniuersa natura haud fundata, quin suspendi motuum leges, quin euentus alias futuri immutari, quin patrari miracula possint, dubitari nequit. At qui probaueris factum esse vñquam miraculum? Quod cum stabili et constante rerum ordine consentit, arguit HVMIVS, id potius praesumendum, quam eius contrarium: sed effectus naturales consueto ordini consen-
tiunt,

tiunt, supernaturales eidem repugnant; hi ergo semper praesumendi, neque vlla auctoritate illi probabiles fieri possunt. Verum quod HV-MIVS sumit, miracula omni experientiae repugnare, id ei concederit nemo. Internam certe miraculorum possibilitatem neque HV-MIVS, neque ROVSSEAVVIVS negat; si ergo idoneis testimoniis factum esse miraculum ostendatur, eisdem fides deneganda non est. Sunt quoque alii, qui, quod exploratas rerum creatarum vires non habemus, difficulter statui posse existimant, vtrum hoc, aut illud a solo Deo effectum sit. Quare hanc miraculi descriptionem adferunt, quod sit opus præter communem rerum tenorem, vires humanas longe superans. Hominis autem iussu, aut eius voluntate editum, aut in eius salutem, et apertam utilitatem. Huiusmodi enim vbi eduntur ab homine miracula, vt se numine esse adflatum fidem faciat, plane ostendunt, naturam aliquam superiorem huic rei se immiscere. Qualis vero sit ea natura potentior, an bona et benigna, Deus scilicet ipse, vel iussu Dei, Angelorum aliquis bonorum, an contra Daemonem aliquis inuidus, et malitiosus ex ipsis legibus et morum institutionibus promulgatis consisterit; quae si sanctae sint, et hominum felicitati consulentes, earum nuntium aut promulgatorem miracula patrantem merito credimus diuino numine adflatum.

§. LXXXIX.

In scriptis Philosophorum saepius commemorantur leges corporibus, et spiritibus communes, quae, quales sint, hic conuenit indagare. Celeberrima autem omnium est lex con-

G 3 tinui,

Lex con-
tinui.

tinui, quae tantum abest, ut noua putari debet, ut potius trito illo axiomate: Natura non facit saltum, contineatur. Græci non solum, sed etiam orientales Philosophi eam cognitam habuerunt. Ex quo autem LEIBNIZIVS in act. Erud. pluribus eam commendauerat, frequentior eiusdem usus esse coepit. Sed refert, de rebus simultaneis, an successiuis pronuncietur: quandoquidem eiusdem veritas in utroque rerum genere non eodem modo cernitur. Si de rebus *simultaneis* dicitur, hunc vero sensum habet: in rerum creatarum serie preesse adeo, arcteque genus unum alterum excipit, ut nullum, quod interseri queat, desideres; nam in finibus genera separantibus entibus entia offendes, tam ex utroque genere participantia, ut cui potissimum accenseas, ob intimam coniunctionem difficulter agnoscas. Rem ita se habere, alii ex diuinae sapientiae legibus, alii ex plena inductione constare volunt. Et sane, quod classes attinet, planta cum animalibus polypi, fossilia cum plantis lythophyta coniungunt: in singulis autem regnis continuitatis huius exempla quam plurima habentur: si specie externa lapides discrimines, ultima spathi forma in fluorem abit, si igne illos examines, inter eos, qui in vitrum liquecunt, et qui pertinaciter igni resistunt, intermedii alii sunt: herbas cum arboribus suffrutices et fructus coniungunt. Hominem denique exterior facies vix a simia distinguit. Pleniorum hujus continuitatis inductionem exhibit Clar. BONNETVS in Comtemplation de la Nature Tom. I. qui omnino videndus. At si singularium rerum singulæ sunt proprietates, arguit ROINETVS; omnis earum in classes et regna digisti

pro-

proscribenda erit. — Id minime quidem: nullum enim corporum genus ita ab alio distat, vt non plures proprietates communes habeant, quas proinde vno communi nomine comprehendere nihil vetat. Neque audiendus est Dom, de NEKER, qui regnum vegetable cum animali confundendum censet. Etsi enim maxima sit plantarum animantiumque similitudo; huius tamen confusionis necessitatem non adfert.

Alterum quod hic quaeritur, est, quae-nam huius legis *in successu* applicatio esse possit; num omnes in rerum natura mutatio-nes sensimque fiant, et vtrum istae finitis differentiis, an contra infinite paruis progredian-tur. Quod primum attinet, res manifesta videtur, et innumeris quoque exemplis ostendi potest: aut quem latet, ex cibis ventriculo ingests non subito ossa carnesque fieri, sed ad chylum prius ex illis educi, deinde sanguini commisceri, denique nutriendis corporis partibus adsimilari; atque adponi? aut quis nescit, non statim ex ouulo egressam erucam per auras ferri, sed prius laruatum papillionem repere, post chrysalidem ex erucae pelle prodire, tandem rupto sepulchro euolare. Quodsi itaque talis legi huic sensus tribuatur, vt, quidquid mutatur, per omnes eos status transire debeat, vt ad ultimum demum perveniat, nihil omnino videtur esse, quod contradici queat. At estne numerus illorum statuum, per quos res quae-que transire debet, certus, atque definitus, vt priorem quemlibet statum aliis adsignabili discrimine separatus sequatur? an vero hic omnia fluunt, et proximus cuius differentia quauis data minore a priori distat? sunt summi viri, quibus alterum placet, qui vt extensi-

nem in Geometria, ita hic status mutationem in elementa infinite parua resoluunt, idque lege continui iuberi existimant. Inter hos maxime eminet MENDELSOHNIVS, qui negat vllis naturae viribus effici posse, vt duo status sibi prorsus oppositi se inuicem consequantur. Verum nullus eorum adhuc legem ita acceptam stabiliri experientia ostendit, quae tamen in indagandis naturae legibus maxime sequenda est. Neque etiam, quemadmodum ex ratiociniis possit confirmari, intelligo. Quid enim, si status quiuis a sequente limitibus certis secernatur, vt tertius, quo illud discriminem minuatur, inferi non possit? rationem dicunt, cur ex statu priore exsistat consequens, non posse intelligi, nisi illud ponatur. Ac si hoc quicquam valet argumentum, ostendit statum quemque a proximo ne quidem infinite parua quantitate differre posse. Nam infinite parui saltus, saltus tamen sunt. Num vero si status quiuis ex alio ope intermedii fiat, sic ratio dabitur, cur vltimus a priori oriantur? ego quidem illam non perspicio: ad seriem quaestionum sine fine progredientium me video redactum. Quaero, qua ratione status vltimus exsistat e primo? respondent: incerto quodam intermedio? per aliud rursus intermedium: et qui hic e primo? rursum interueniente alio --- hic si nullus finis est interrogandi, doctiorem responsionibus me fieri aegre mihi persuaserim. Hoc altero igitur sensu accepta lex lata non videtur. Cf. KAESNER: Dissert. de lege continui in natura.

§. XC.

Altera lex, quae hoc pertinet, a *parsimonia* Lex par.
simonie. dicitur, illoque scholasticorum axiomate continentur: Natura nihil facit frustra. Huius autem effati ut verum sensum eruamus, definendum est, quid nomine naturae hic veniat. Si naturam ipsum huius vniuersi auctorem intelligas, (scholastici dicunt naturam naturantem) dubium non est, quin sine consilio aut temere quidpiam facere credatur: quo spectat aliud scholasticorum dictum: Natura sine suo numero quam excedit. Sin vero brutas vires, uti par est, intelligas; ambiguum erit axioma: siquidem hunc ei sensum tribuas, quasi vires mechanicae consulto eligerent, quod faciant, perspicue falsum est: sin ita accipias, ut quidquid fiat, non simul ad alias res secum coniunctas pertineat, nullus dubito, illud adfirmare. Huc etiam pertinet illud: Natura agit semper per viam breuissimam; quod axioma nihil differre videtur a *lege minimi*, quam MAVPERTVISIVS ita enuntiat: siqua in natura contingit mutatio, ea, qua haec mutatio efficitur, actio omnium, quae fieri possunt, minima est. De hoc principio, quanta animorum contentione inter summos Philosophos decertatum fuerit, vix dici potest. Cf. vollständige Sammlung der Streitschriften zwischen dem Herrn von Maupertuis, und König, Leipzig 1753. Nunc quidem, quod sciam, Mathematicorum nullus est, qui non dicat, MAVPERTVISIVM calculo suo falsum fuisse. Vide Lamberts Beyträge zum Gebrauch der Mathematik, Tom. II. pag. 543. Neque ex eo, quod MAVPERTVISIVS contendit, existen-

H tiam,

tiam, et perfectiones Dei cogi posse, existimo. Nam primo ostendere auctor debet, minimam in natura actionem non vnicē possibilem, ac proinde nec absolute necessariam esse; aut si plures vias, ac media possibilia sint, naturam non temere ac coeco impetu in viam breuissimam delatam esse: denique, vt haec lex rationem, sapientiam probet, euincendum est, parsimoniam ad finem quempiam, eumque optimum contendere: fieri namque posset, vt mala perinde ac bona via braeuissima perficerentur; et quis inde sapientiam colliget? Vide Ralmars vornehmste Wahrheiten der natürlichen Religion, 4te Abhandlung. Conferatur tamen Versuch einer Cosmologie von Herrn von Maupertuis, Berlin 1751.

§. XCI.

Lex vniuersalis conservacionis
conseruacionis.

Tertia denique lex vniuersalis conservacionis dicitur, cuius haec vis est, vt nihil in rerum natura intereat, nulla ex hoc vniuerso substantia auferatur, deleatur. Ac primo quidem naturae vi nulla primarum substantiarum in nihilum abire potest: aut enim vi sua abit in nihilum, aut vi alterius creatae substantiae. Vi sua nequit: si enim vi sua abeat, abit agendo, cum autem primae substantiae eo maxime existant, quod agunt; eo ipso, quo vehementius agunt, eo magis existere pergunt. Nec vt alterius; quia substantiae primae, vt sunt naturaliter actiuae, ita sunt essentialiter antitypae ---- At a Deo saltem in nihilum rediguntur? ---- Verum qualē substantiam Deus an nihilēt? superfluam? at talis non existit. Bonam, et necessariam? at quare Deus sapientissimus eiusmodi ex hoc vniuerso exterminet?

sub-

Substantiam loco suo non aptam? at qualis sit ista? creata, an demum ita vsu detrita, vt iam non congruat loco suo? vtrumque diuinæ sapientiae et bonitati repugnat. Recte igitur absolutae mortis exilium a LEIBNIZIO statuitur. Sed quam diximus conseruationis universalis legem, sunt, qui hactenus pertinere velint, ut non solum eadem virium viuarum in mundo quantitas, sed ipsorum quoque motuum identitas persistat. Verum, quod pri-
mum attinet, ostendendum est, vires quasdam viuas in natura esse, aut, si sint, eas a quantitate motus omnino distingui. Sunt sane ho-
die homines doctissimi, qui effectus omnes ita pendere a vi motrici et minimis ac perpetuo pereuntibus mutationibus, vt vires viuae sint plane superfluae; sunt, qui eas a motus quan-
titate nihil differre arbitrentur. In horum igitur sententia dicta lex locum non habet. Opini-
o de identitate motus ne Cartesianorum qui-
dem omnium adsensum tulit. Plura de hisce
legibus occurrunt in tractatu ROBERTI BOY-
LE de ipsa natura, Geneuae 1688.

§. XCII.

Præter hunc mundum, alios quoque forte innumerabiles cogitari posse, inde intelligitur, quod et res aliae, atque existunt, existere, et alias earundem ordo concipi mente possit. Num mundi plures pos-
sibile?

Nam primo quid repugnante habet, res quas-
dam abesse, earumque locum alias occupare?
nisi vero non consistere hic orbis aut genus hu-
manum posset, nisi cerasi essent, alni, vrti-
cae, marmor, psittaci. Alius mundus foret,
si haec abessent: fateor, idque ipsum vole-
bam; sed mundus tamen. Ut non interiit

terra, postquam Silphium Cyrenaicum interierit; sic eadem esse antea potuisset, si Silphium omnino non fuisset. Deinde qui in rebus cum temporis, tum interuallorum ratione ordo cernitur, quid impedit, quominus aliter institui possit? Nam etsi huius ordinis certae sapientesque rationes sunt; nihilominus tamen posset hic ordo ita mutari, ut nouus, a priori diuersus, existeret. Neque enim huius mundi ordo eiusmodi est, qualis est, in Geometricis series, membrorum. In hoc enim statim intelligitur ex ipsa seriei notione, eum mutari non posse: quod in ordine mundi longe secus est. Iam vtrumuis sumas, alios, ab hoc nostro diuersos mundos fieri posse, concedas, necesse est. Quae quum ita sint, Metaphysici quaerunt, quid in quoque mundo possibili necessarium sit, quid fortuitum; An mundus aliquis sine substantiis cogitantibus esse possit, et quae sunt huius generis alia. Verum quoniam questiones illae sunt de mere possibilibus, neque lucis quicquam aliis scientiis adfundere videntur; earum resolutionem libenter praetermitto.

S. XCIII.

Anne mundus hic optimus, nec ne. Quum mundus quisque & finitis constet substantiis; nullum infinitum esse repugnat. Quia porro, quicquid imperfectionis natura sua rebus inest, malum metaphysicum dicunt; sequitur, nec nullum mundum sine malo metaphysico esse. Quare nullus ita perfectus esse potest, ut unaquaque eius pars omnes, quae simul consisterent;

stere possint, perfectiones complectatur. Et licet malum morale, seu transgressio legum, et malum *physicum*, seu morbi ac dolores corporis mundo necessario non insint; summa tamen cum ratione eidem naturalia putanda sunt: aut certe mirum videri debet nemini, si hoc in mundo istorum malorum genera reperiantur. Quam sint haec mala mundo nostro consenteanea, subtiliter explicat SVLZERVS, vermischtē philosophische Schriften, Seite 323. Paradoxus, vt in aliis multis, hic est ROBINETVS, docens, aequabilem esse bonorum, malorumque in hoc mundo distributionem: adeo, vt aequali bonorum portioni aequalis malorum admista sit. Quod est finitum, inquit, semper imperfectum sit, necesse est. „Ergo il n' „existe pas dans le fini, un seul degré de „bonté pure donc chaque degré du bien y „est allié à un degré de mal etc.“ Tom. I. part. I. chap. 23. Verum vim conclusionis nullam perspicio. In termino aut in extremo gradu, vbi realitas seu bonum cessat, illud dumtaxat, quod cum finito necessario conjungitur, limitationis malum incipit. Ex quo efficitur, vt cum quoquis novo perfectionis gradu malum metaphysicum decrescat.

At in quo consistit mundi cuiusque perfectio? mea quidem sententia mundi perfectio in nulla alia re, quam in pleno eorum, quae in eo sunt, aut sunt, ad finem propositum consensu, atque in ipsa huius finis praestantia consistere potest. Hic autem finis, quandoquidem internus esse debet, et absoltutus, nisi in animantibus naturis locum non habet. Praeterea finis ille, ad quem praestandum reliqua omnia conspirant, nisi bonum quidpiam sit,


mundo perfectionem nullam conciliabit. Quare nihil aliud, quam felicitas animantium esse potest, cuius causa mundo perfectio tribuenda sit, si intuitu finis interni mundum perfectum dicere velis. Ex his denique efficitur, mundi perfectionem partim in magnitudine ac summa boni physici, seu voluptatis, ac felicitatis, quae in eo percipitur, partim in perfectione dispositionis, qua illa ipsa felicitas efficitur, positam esse. Quum igitur in mundo perfectissimo ad finem propositum conspirare omnia debeant; facile intelligitur, eum nec redundare superfluis, nec desicere necessariis posse. Ex eo autem, quod felicitas debet esse, quae fieri potest, maxima, cogitat REIMARVS, omnes, quae consistere simul possunt, substantias adesse oportere. Huic certe mundi perfectissimi notioni maxime consentaneum est, nequod felicitatis, aut voluptatis genus praetermissum sit, neque spiritus desint, qui ea voluptate, quae ex plena totius nexus summaeque perfectionis cognitione existit, perfruantur.


Verum mundus hic an optimus sit, quaestio est, multorum scriptis celebrata. Sunt, qui ex iis, quae videmus de hoc vniuerso atque sentimus, et intelligimus, nullo modo putent effici posse, neque hoc: hunc omnium esse optimum, neque illud: eum non esse optimum. Quae etsi speciem veri praeseferant; putauerim tamen ex iis, quae intuemur, non inepte summam mundi huius perfectionem colligi. In illis enim, quae videmus, non solum optimos fines, verum etiam mirificum partium omnium ad hosce fines consequendos consensum detegimus. Quare, quod in


in paucis his detegimus, id de ceteris summa
 cum ratione dicemus; nam quae res eumdem
 artificem habent, oportet, omnes eadem arte
 esse exstructas. Quare stultae sunt et teme-
 rariae eorum hominum voces, qui, quod non
 intelligunt, statim blasphemant. Licet igitur
 ex his mundum esse optimum, adfirmare certo
 non possimus, recte tamen illud suspicamur.
 Quando vero cogitamus, Deum esse auctorem
 huius mundi, tum vero nescio, quomodo
 fiat, ut quaedam nobis necessitas videatur im-
 polita statuendi, hunc mundum non posse non
 esse optimum. Quod idem senserunt antiqui,
 in primis PLATO et PLOTINVS: CICERO,
 aut quisquis sit, in TIMAEO ait: „ Neque
 „ mundo quicquam pulchrius, neque eius
 „ aedificatore praestantius est: “ et alio loco:
 „ Fas nec est, nec umquam fuit, quicquam
 „ nisi pulcherrimum facere eum, qui esset
 „ optimus. “ ---- At quicumque mundus, re-
 ponit CRYSIUS, finitus est, quia igitur
 mundo finito perfectior quisque alius esse
 potest, nullus erit optimus. ---- Immo aliud
 omnino inde colligo: quilibet mundus ne-
 cessario finitus est: ergo nullus mundus, qui
 fieri potest, infinitus, ac proinde nec opti-
 mus. Non ergo repugnat mundum finitum
 simul optimum esse. Πρωτον Ψευδος CRV-
 SII in eo consistit: genericae notioni fini-
 tatis non repugnat, in quoquis ente incre-
 menta cogitare: ergo nullum ens finitum est
 optimum; quasi vero, quae notioni entis ge-
 genericae non repugnant, eo ipso nec rei sin-
 gulari, nec individuae repugnant. ---- At
 si mundus hic optimus est; unde ergo haec
 mala, quae patimur? Verum ab eo, qui ita
 quae-


quaerit, exquiram, philosophusne ethnicus
me roget, an Christianus theologus: illi re-
spondeo, ea, quae voluntatis sunt mala, pec-
cata, vitia, scelera, ab homine ipso esse,
qui non rite, nec sapienter iis viribus vta-
tur, quibus sapienter, ac liberaliter a Deo
est instructus: quae autem sunt naturae, ut
dolores, et aegritudines, ea partim esse con-
fectaria vitiorum, partim mala non esse. Nam
magni saepe dolores, ac miserae aegritudines
vitia comitantur, quae eiusdem cum illis sunt
originis. Et quidem sunt dolores, ac aegri-
tudines, quae, quoniam boni caussa inductae
sunt, stulte mala dixeris. Huiusmodi sunt na-
turae appetitus siue corporei, siue rationis, in-
deque erumpentes affectus; necesse est enim,
ut rem finitam nec sibi sufficientissimam ad
beatitudinem huiusmodi appetitus extimulent,
quod ARISTOTELES iam animaduertit. At
si Theologus roget, ei nequeunt esse ignota
Christianae religionis arcana, ex quibus illi
reddatur huiusmodi rei ratio. Sed ea de re
in Theologia naturali differemus copiosius. In-
terim hoc loco Clar. GARVIVM nominan-
dum censeo, qui in notis suis ad FERGV-
SONIVM in sententiam nostram plura acute
animadvertis.

ethnicus
: ill re
nata, pa
plo em
ibus un
r a De
uræ, n
elle con
e. Nam
ritudines
illis sunt
ac regn
ia induci
di sunt u
nationis, b
é est em
issimam
ultimales
vertit.
sse igno
ubus ill
ea de re
olus, lo
nomina
FEBRU
plura acta









TIFFEN® Color Control Patches

© The Tiffen Company, 2007

Blue	Cyan	Green	Yellow	Red	Magenta	White	3/Color	Black



© The Tiffen Company, 2007